



ISTITUT CULTURAL LADIN
MUSEO LADIN DE FASCIA

COMUNICAT STAMPA

Vich, ai 10 de aost 2017

L'Istitut Cultural Ladin prejenta **CATERINA** **I dis e la sajons. La Gran Vera e I prum amor**

Moena, Teater Navalge
mercol ai 23 de aost da les 9 da sera

Tel chèder di evenc metui a jir en ocajion del centenè de la Gran Vera, l'Istitut Cultural Ladin "majon di fascegn", en colaborazion col Comun de Moena, l'APT de Fascia e la Scola de Musega "Pentagramma" de Fiem e Fascia, porta dant **CATERINA I dis e la sajons. La Gran Vera e I prum amor**.

Se trata de n spetacol de narazion e cianties, opera originèla de Fabio Chiocchetti, basà sun l liber "Piccolo diario di Caterina. 1912-1918: dalla pace alla grande guerra" (ed. 1995), rèra testimonianza de na toseta de Moena che de 12 egn la passa i egn più bie de sia joeneza belimpont canche la Vera crepa ite dramaticamente de la vita chieta da duc i dis.

I tòc toc fora dal diarie, lec sù da Rosanna March, se enterza ite co la museghes originèles componudes per l'ocajion dal maester Armando Franceschini, su tesç de poec ladins de nonzech desche pèr Frumenzio Ghetta, Elsa Daprà del Vicare e Valentino Dell'Antonio, interpretèdes da la ousc de Angela Chiocchetti compagnèda da l'ensemble "Il Pentagramma" metù ensema da insegnanc de la scola de musega.

L spetacol vegnirà portà dant en mercol ai 23 de aost, da les 9 da sera, ló dal teater Navalge de Moena, con na replica en vender ai 29 de setember, tel chèder di evenc del fin de setemèna sul tem "Donne: il coraggio della cultura".

Donca n auter aprofondiment su la tematica de la Gran Vera semper più ite te la realtà de duc i dis de la jent de la val, vedù e interpretà ampò coi eies de na joeneta che fora de n bel nia la se troa te mez a chest drama. Na ousc sciantiva che amò aldidanché, dò cent egn, la pel ne fèr pissèr mingol più a fon sul destin de l'Umanità.



CATERINA **I dis e la sajons.** **La Gran Vera e I prum amor**

Teater Navalge, Moena

Mercol ai 23 aost da les 9 da sera

Vender ai 29 de setember da les 9 da sera

Entrèda debant

ISTITUT CULTURAL LADIN "majon di fascegn" – MUSEO LADIN DE FASCIA

Loc. San Giovanni / Sèn Jan 38039 Vigo di Fassa / Vich (Tn)
tel. 0462 760182 – museo@istladin.net – www.istladin.net